

## 100.000 VRAOGE - TON CUSTERS

//: **D A G A** ://  
 Doe höbs dien laeve lang gesjoef en altied sjtóng se klaor  
 ging d'r op 't werk get mis  
 den zoot se toes nag mit de henj in 't haor  
 alles mós wieke doe goofs dich meer den helemaol  
 vroogs dich nooit get aaf mer noe zitte ze dich veur paol  
 zelf nag vol mit toekoms vol mit planne veur nag lang  
 mer nag veur se 't zelf door haajs zoot se in die aafvloeitang  
 op 'n ziesjpaor niet meer neudig bös bedank veur waas se deejs  
 veur dae poes blome half versjlakkerd höbs se dao den veur gepees?

Doe zits mit 100.000 vraoge houws dich noe veur diene kop  
 mós d'r eigelik óm lache woor 't neet zó'n sjlechte mop  
 doe veuls dich óngerdeil van 'n patroon mer den verwisselbaar  
 good genóg veur waat gevraag waerd mer verder inruulwaar  
 aanne kantj gezat terwiel toch verder good nag veur gebroek  
 langzaam nao de hook geduujt in richting aafvalloek  
 en of det werkelijk waor is interesseert dich verder neet  
 det is waasse veuls mer sjienbaar angere veur dich gein reet.

Noe zitse door det raam te sjtare, zjwiegs mer vrits dich op  
 drök bezig waat gebeurd is te vergaete mer ouch dao geisse aan kepot  
 en den kump ein van die nuje here in zónne sjnelle bak veurbie  
 dae maak door emes aan te sjtelle weer eine nuje sukkel blie  
 waat zouse gaer gaon zègke waas se zelf dao noe van dags  
 en waas se wie se zelf begós neet allemaol haajs verwach  
 mer den drej se diene kop óm en vreugs of d'r nag kóffie is  
 en 't ergste is nag desse merks desse toch daen ozel mis.